

Столбец

ВКП(б)-лэн УАССР-ысь Иж Райкомезлэн но Райсполкомлэн органы.

№ 93 (555) | 30 сентябрь 1939 ар | Дуныз 5 коп.

Пудолы—тыр но шунит толйытон

„Колхозёсын общественной пудо вордонэз жутон ужрад'ёс сярысь“ ВКП(б) лэн Центральной Комитетэзлэн но СССР-лэн Совнаркомезлэн туэ арын 8-тй июле кутэм постановленизы колхозной пудо вордонэз азыланьын жог жутонлы паськыт сюрес усътэ. Та постановление котькуд колхозлэн кивалтйезлэсь пудо вордонэз жог тыр'я нимысьтыз сьулмаськемзэ куре.

Озы ке но, та постановление поттэм дырысен уно дыр ке но ортчемын, сое уж вылын быдэстон понна өвёл на кутэмын кулэ ужрад'ёс. Асьме районьыс колхоз'ёсын выль 12 МТФ, 19 парсь вордон ферма но 12 ыж вордон ферма кылдыгыны пус'е мын. Нош ужюгдур'ёс сычеесь, что туннэ нуналлы кылдытэмын куинь ферма гинэ—„Новый путь“ колхозын МТФ, „Ударник“ колхозын ыж вордон ферма но „Интернационал“ колхозын парсь вордон ферма. Озы ик колхозник'ёслэсь пудооссэс басьтылон но контрактировать карон но ляб мынэ. Быдэс районьын басьтэмын 10 куяны, 41 парсьпи, но 21 ыж.

Та лыдпус'ёс сое возьматэ, что райисполкомысен кутскыса нокин но рос-прос өз кутскыса на партилэсь но правительстволэсь постановленизэ быдэ'ян борды. Фермаос кылдытон, пудо басьян ласянь туж трос вераськон мынэ но уж борды по-большевистски кутскон уг эдзиськы на. Маин-о соин сяна валэктод, кылсъярысь тас, что Шабердинской сельсоветысь „Волга“, „Кама“, „Истомино“, „Ленин сюрес“, Козловской сельсоветысь „Диктатура“ колхоз'ёсын пудо вордон ферма-өвёлэз. Колхоз'ёслэн председателиёсы Иванов, Тюлькин, Горбунов, Исаков но Мерзляков эш'ёс подо вордон фермаез кылдытон борды кулэез'я кутском шуса ялан кыл ке но сёто, со кыл выль ик кыле.

Котькуд первичной партийной но комсомольской организацилэн, сельсоветлэн но колхозлэн правлениезлэн дано ужзы пудо вордонэз жутон сярысь партилэсь но правительстволэсь решенизэс быдэстон. Со понна кулэ чик жегатскытэк фермаосты пудоосын комплектовать карон борды кутскыны, колхозник'ёслэсь но колхозын сыйлысьтэм мурт'ёслэсь пудооссэс закупать карыса. Таин чош котькуд колхозниклы валэктэмын луы-

ны кулэ со льготас сярысь, куд'ёсыз сётиське фермае пудозэ вузам колхозниклы. Нырысь сьулмаськон вис'яно пудоз толйытыны дасяськон ужлы. Пудолы тыр, шунит, чылкыт толйытон дасямын мед луоз. Пудо вордонэз жутон сярысь партилэн но правительстволэн постановленизылэн азинлыкы быдэстон условияз та бордын.

Нош пудоз толйытон азелы дасяськонэн но озы ик уж'ёс уродэсь. Верхне-Люской сельсоветысь „Виль“ колхозын 1935 арысен молочной товарной фермазы луыса, та дырозь скал гидзы өвёл на. Фермалэн скал'ёсыз данак колхозник'ёслэн гид'ёсазы возисько. Колхозной скал гид лэстыны луонлык'ёс тырмыт выльсь колхозлэн председателез Семаков эш туэ но та ужез кыскытэ. Ягульской сельсоветысь „Холмогорово“ колхозлэн 20 йыр пудоз, гид тырмытэен кырын, зор улын, вёд интыын сылэ. Козловской сельсоветысь Ленинлэн нимыныз нимама колхозын скал гидлэсь выжзэ тупатонэ ке но, со уж борды өвёл на кутскемын. Та верам пример'ёс гинэ но со сярысь верало ни, что пудо гидэз лэстыон, тупат'ян чилантэм каллен ортче. Кулэ, чтобы котькуд колхозын нимысьтыз бригадаос вис'ямын мед луозы. Со бригадаослы пудо гид'ёсты лэстыон но тупат'ян борды али ик кутскыны кулэ.

Таин чош ик тырмыт обеспечить каремын луыны кулэ пудоос сионэн. Пудо сион ваньмыз акт'я сётэмын луыны кулэ фермалэн заведующеозлы али ик ини. Силосовать карон понна али вань луонлык'ёсты кутонэ. Кубиста, кушман куар'ёсты ваньзэ силосовать каронэ. Со юрттоз толалтэ пудозэ ческыт сионэн судыны. „Коминтерн“ колхозлэн председателез Уржумцев сямен ужано өвёл. Со арысь-аре силосовать уг кары но пудолы сион уг дася, соин валче цудолэсь продуктивностэсэ жутонэз жегатэ. Асьмелэн пудомылы тыр толйытон дасяно—тйни ма понна сьулмаськыны кулэ колхозлэн котькуд кивалтйез. Та ласянь басьтоно пример Шабердинской сельсоветысь „Виль улон“ колхозлэсь, кытыя пудолы тырмыт сион дасямын.

Пудо вордон ужез зэмос кивалтэно. Пудо вордонэз жутон ласянь партилэсь но правительстволэсь решенизэ быдэстон понна нюр'ясконо нуналлы быдэ.

СССР-лэн Совнаркомезлэн председателез но Наркоминдел В. М. Молотов эшлэн Германилэн иностранной уж'ёсыз'я министрениз г. фон-Риббентропен вераськемез

27 сентябре туэ арын СССР-лэн Совнаркомезлэн председателез но Наркоминделэз В. М. Молотов эш но Германилэн иностранной уж'ёсыз'я министрениз г. фон-Риббентроп куспын вераськон'ёс ортчизы Польшаын луэм событиосын гер-

заськем вопрос'ёс сярысь. Со вераськон дыр'я отын присутствовать каризы Сталин эш, германской посол г. Шуленбург но СССР-лэн Германиысь полпредэз Шкварцев эш. Вераськон 2 часлэсь но кемалы кыстыськиз.

РККА-лэн генеральной штабезлэн оперативной сводкаез 26 сентябре 1939 арын.

Красной Армиэн частьёсыз демаркационной линия пала азылань мыныса, 26 сентябрь чоже Осовец крепостез, Холм, Замостье, Рава, Русска, Самбор город'ёсты басьтйзы но Райгородок, Осовец, Соколы (Белостоклэн юго-запад палаз 35 километр кемын), Мелечицы (Бельсклэн юго-запад палаз 25 километр кемын), Бела, Холм, Замостье, Яворов, Самбор, Турка (Дрогобычлэн юго-запад палаз 40 километр) линия выгэ потйзы. Западной Белоруссийсь но За-

падной Украинаысь польской войскаослэн кылем'ёсылэсь пумит'яськемзэс быдтон дыр'я Красной Армиэн частьёсыз Брест-Литовск, но Володава куспын 30 чугун сюрес эшелон'ёсысь 25 сюрс ёрос мурт'ёсты разоружить карыса, пленэ басьтйзы. Со сяна Хобринлэн юг пал районаз 1000 мурт басьтэмын. Холмлэн районаз—(Холмлэн юго-запад палаз 20 километр кемын) 2500 мурт вооружениен но пёртэм военной имуществоен валче кутэмын.

РККА-лэн Генеральной штабезлэн оперативной сводкаез 27 сентябре 1939 арын.

27 сентябре Красной Армиэн частьёсыз, демаркационной линия пала ялан мыныса басьтйзы Грабовоез (Августовлэн запад палаз 15 километр кемын), Мазовецкез, Дрогичинез, Красноятавез, Завада станциез (Замостьелэн запад

палаз 10 километр кемын), Краковецез, Мосцискаез но Сянки станциез (Сан шурлэн усён районаз). Западной Белоруссийн но Западной Украинаын польской войскаослэсь кылем-мылем'ёссэс быдтылон операциос мыно на.

Малы бере кыле „2 Пятилетка“ колхоз?

Дыр толэ кыстыське. Колхоз'ёс, колхозник'ёс но колхозницаос сьулмасько бусы уж'ёсты йылпум'яны. Нош «2 Пятилетка» колхозын со уг шодйськы. 15 гектар көжйзы али но октымтэ-калтымтэ на. Озы ик 2—3 гектар пала арам гречуха муз'ем вылын октытэк-калтытэк кылле. Зор улэ сюреса со потыны кутскем ини.

Туж каллен мыно картовка октон но кутсаськон ласянь уж'ёс. Картовка октонзы татын жыныез пала сяна быдэстымтэ на. Нош кутсаськоңзы ог 30 процентлы гинэ быдэстэмын. Куинь кутсаськон машинаос пöлысь уже одйгез сяна уг кутйськы. Соиньз но кажной нунал уг кутсасько. Тупатэм нормаос уг быдэ'ясько. 35 центнер иштые 20 центнерозь сяна уг кутсалляло.

Кутсаськонэн бере кылеменызы татын али но быдэстымтэ на государственной ю-тысь сётон планзы, МТС-лэн ужомез понна натуроплата сётонзы но озы ик ссудаез берыктон. Натуроплата планзы ваньзэ өвёлзэ вераса 60 процентлы сяна быдэстымтэ на.

Уж'ёсын бере кылемез колхозлэн нырысь ик ужез шонер организовать карыны быгатымтэез бордын луэ. Уж'ёс тупатэм график'ёс'я уг нуисько. Колхозник'ёс определенной уж'ёсы юмат'ямтэ, соосты туж чем ужысь уже вош'яло. Соин сэрэн ужлэн производительностез но зечлыкэз улэ усе.

Со сяна ужын туж трослы люке-

тэ на со но. Колхозник'ёслэн ужам ужзы татын дыраз лыдэ уг басьтйськы. Август толэзе ужамзы колхозник'ёслэн трудовой книжкаосы али но пыртылымтэ на.

Туж ляб пуктэмын колхозник'ёс пöлын массовой валэктон уж. Агитатор'ёс уг ужало. Интыосысь Совет'ёсы быр'ён'ёс сярысь Положение но международной положенилэн али обстановкаез сярысь тросэз колхозник'ёс уг тодо на.

Колхозник'ёс пöлын политикопросветительной уж нуымтэ но соослэсь ужам ужзэс дырыз дыр'я лыдэ басьтымтэ юртто колхозын трудовой дисциплиналэн лябомонэзлы. Ужан нунал татын кутске 10—11 часын нуназе гинэ. Тросэз колхозник'ёс куке соку сяна уже уг потало, яке чик уг ужало. Тани, Сергеева Лидия Петровна колхозница туэ 7 толэз куспын 1,25 трудовень сяна ужамтэ на. 25-26 арес'ем егит колхозник Пушин Михаил Федорович туэ ар понна 52 трудовень но солэн кышноез Александра 46 трудовень сяна ужаллямтэ на.

Таё колхозник'ёс но колхозницаос татын бжыт өвёл. 52 трудоспособной колхозник'ёс быдэн 80 трудовень но ужаллямтэ на. Отысь ик потэ угос колхозлэн уж'ёсын бере кылемез но.

Колхозлэн правлениезлы, солэн председателезлы Федоров эшлы, тае лыдэ басьтоно но со тырмытэ интыосты чик жегатскытэк быдтон понна нюр'ясконо.

Кокорышкин.

Ягуль-ск-ой НСШ-ысь дышетскисьёс школае дышетскыны мыно.



„Веньинка“ колхозлэн депутатской группаез

„Веньинка“ колхозлэн депутатской группаез, кивалтисез В.Д. Бадаев эш, районисытмы вань депутатской группаос пöльсы самой умой ужась депутатской группаен луэ. Депутатской группалэн умой ужаменыз Лудорзайской сельсоветысь „Веньинка“ колхоз арысь-аре будэ но юлма. Арысь-аре со ялан вылесь но вылесь азинскон'ёс басытэ.

Колхозлэн пудо вордон фермаез, кылсярысь, кылдытэмын вал 15 йоро-пыдо скал'ёслэсь гинэ. Нош али соослэн лыдзы вуиз ини тямыстонозь. Вал'ёслэн лыдзы будиз 30 йорысь 75 йорозь.

Пудоос утяттиско шунит но чыдыт гид'ёсын. Али дасяськон уж'ёс нуиско выль усйтискись ыж вордон фермалы гид лэсьтон ласянь.

Колхозлэн мукет общественной постройкаосыз но будо. Лэсьтылэмын ю-нянь но бакча сион возён склад'ёс но выль пожарной сарай. Колхозлэн трое лóртэм машинаосыз. Колхозлэн аслаз кык кутсаськон машинаез, куинь аран машинаез, куинь турнан машинаез, куинь турын мажтан машинаез но мукет машинаосыз вань. Кылдытэмын парниковой хозяйство но чорыг йылэтон пруд но мукет'ёс.

Колхоз ю-няньлэсь выль удалтонлыкэ басытны быгатэмез понна Всесоюзной сельскохозяйственной выставкалэн участкениз луэ. Кылем ар'ёсы со шорлыдын вераса гектар вылысь 15,8 центнер выль зечлыко ю-тысь басытылэ.

Колхозлэн общественной хозяйствозлэн будэменыз чош ик будэ колхозной гуртлэн, шулдыр но шудо улийсь колхозник'ёслэн культуразы. Гурт кустыт улчаос кузья сад мерттылэмын. Вань радио, библиотечка, биллиард но мукет'ёсыз. Колхозник'ёслэн нылпиоссы ваньмыз ик школаын дышетско. Мбйы калык пöлын но ог дасо мурт сяна гожтэт

тодымтэез ö в ö л ни. Колхозник'ёс, куд'ёсыз гожтэт уг тодо вал, соос ликбез пыр потыса асьсэ понна грамота басытны быгатызы. Вигтон хозяйство пöльсы куамын хозяйствое газет'ёс но журнал'ёс вуо.

Колхозын умой пуктэмын политико-воспитательной уж. Колхозник'ёс пöлын ортчыт'яско газет лыдзон'ёс но беседаос. Толэзлы 5-6 пол бордгазет потэ. Али колхозын 6 мурт агитатор'ёс ужало. Колхозник'ёслы соос валэкто выль избирательной законэз но международной положенилэсь али обстановкэз.

Колхозлэн выль верам азинскем'ёсыз басытэмын депутатской группалэн колхозной строез юматон понна вис карытэк сямаскыса ужаменыз.

Кызы ужа депутатской группаез? Депутатской группалэн 15 мурт член'ёсыз уж'ёслэн определенной участок'ёсазы юмат'ямын. И соос ваньмыз отвечать каро со уж понна, кытчы соос юматэмын луо. Асьсэлэн ужамзы сярысь соос отчитываться кариско депутатской группалэн заседаниосаз.

Депутатской группалэн заседаниосыз толэзь кустын 1-2 пол ортчыдо. Огын эскериско уж'ёслэн мынэмзы сярысь вопрос'ёс, обсуждаться кариско партилэн но правительствозлэн решениоссы, и соя ужан конкретной ужрад'ёс кутыско. „Колхоз'ёсын общественной пудо вордонэз жутон мероприятиос сярысь“ ВКП(б)-лэн Центральной Комитетэзлэн но СССР-лэн Совнаркомезлэн постановленизы потэм безраз ик депутатской группалэн заседанияз обсудить каремын но ыж вордон ферма кылдытон сярысь решение кутэмын вал. Со решение колхозник'ёслэн общей собраниянызы огкылысь кутэмын вал но али нуиско ини ыж вордон ферма усьтон ласянь дасяськон уж'ёс.

Коновалов.

Быр'ён'ёс азелы дасяськон

«Трудящойёслэн депутат'ёссылэн интыосысь совет'ёсазы быр'ён'ёс сярысь Положенилэн» светэ потэм безраз ик Советско-Никольской сельсоветысь Интернационаллэн нимыныз нимама колхозысь комсомолец'ёс бадзым активностен кутскизы сое изучать карон борды но пасыкыт вöлмыт'язы колхозник'ёс пöлын солэн значениез сярысь валэктон ужез.

Комсомолец'ёс тупен-тупен валэкто колхозник'ёслы быр'ён'ёслэн порядоксы сярысь.

Комсомолец'ёс - агитатор'ёс пöльсы уката ик умой ужало Рябков но Пушин эш'ёс. Избирательной законэз изучать каронэ соос кыскизы ини 130 избирательёсты. 9 пол беседаос ортчытэмын.

Семаков.

Сельсовет'ёслэн член'ёссылэн отчет'ёссы

Районамы сельсовет'ёслэн член'ёссылэн избирательёс азын отчет'ёссы кутскиз. Сельсовет'ёслэн член'ёссы избирательёс азын отчитываться кариско избирательёслэсь наказ'ёссэс быдэс'ямзы сярысь но сельсоветлэн ог'я ужамез сярысь.

Сыче отчет лэсьт'язы алигес „Майский“ колхозын Больше-Кия-

икской сельсоветлэн членэз Пушин Михаил. Пушин эшлы избирательёс трос юан'ёс сёт'язы наказ'ёсты быдэс'янын ужамез сярысь. Избирательёс уката ик интересоваться карискизы гожтэт тодымтэосты дышетон, нылпиосты дышетон, ю-нянез утяттон но кбняке мукет вопрос'ёсын.

Никифорова.

Картовка октонэз быдэст'я

Шабердинской сельсоветысь „Виль улон“ колхоз картовка октонэз но кын улэ гыронэз йыл-

пум'яса, кутсаськонэз жог быдэстон понна та уже вань колхозник'ёссы кут'я.

К. Н.

„Свобода“ колхоз бере кыле

Юсьчинской сельсоветысь „Свобода“ колхоз кын улэ гыронэн бере кыле. Сельсоветысь мукет'ёсыз колхоз'ёс кын улэ гыронэс быдэсак йылпум'язы ини, нош татын жыныез сяна быдэстымтэ на.

Гырон трактор'ёсын сяна уг мыны. Вал'ёс вань вылысь но та уже уг кутыско. Колхозлэн председателез Морозов трактор'ёс выль чöлтискем.

Колхозник.

Ет'яныз дыраз жутон понна уг сямаскы

Вöлдэм ет'яныз дыр'я уг ке октискы, со ороче но уже кутыны уг яра ни. „Югыт сюрес“ колхозысь кивалтисьёс тае валаса öз вуттэ на лэся. Колхозлэн правлениез вöлдэм ет'яныз жутон понна öжыт сямаскы, ужась кужым тырмымон уг вис'я. 25 гектар пöльсы 5 гектар вылысь сяна жу-тымтэ на.

РАБОЧИЙЁСЛЭН МЕЖДУНАРОДНОЙ ТОВАРИЩЕСТВОЗЫ

Кылем столетилэн кыктэт'и половинаисеныз Западной Европайн рабочий движение вылысь жутискыны кутскиз, 1848 аре революциослэн пораженизы бере тупаткыса.

Англияын будэ стачкаослэн лыдзы, Германиян кужмоя, всеобщой избирательной право понна нюр'яськон, кылдэ рабочий класслэсь самостоятельной партиез кылдытонлы тяга. Исторической событиос выдвигать каро вань буржуазной партиослы пумит луись пролетариатлэсь массовой международной самостоятельной партияз кылдытонлэсь необходимостьсэ.

28 сентябре 1864 арын Лондонын митинг ортчиз, кудаз присутствовать каризы английской, французской, немецкой но итальянской рабочийёс пöльсы представительёс. Та митингын кылдытэмын вал рабочийёслэн Международной Товариществозы — Нырысет'и Интернационал. Солэн сяманыз но организатореныз вал пролетариатлэн великой учителяз, научной коммунизмлэн основоположникез — Карл Маркс.

Со дыре рабочий движениын вал на али мелко-буржуазной социа-

лизмлэн реакционной утопической (быдэстыны луонтэм) теориясыз. Соос пеймытэ нуыл'язы рабочий класслэсь сознаниез, локет'язы капитализмлы пумит нюр'яськон понна солэн огазеяськонэзлы. «Интернационал, — гож'яз Маркс, — кылдытэмын вал со понна, чтобы социалистической но полусоциалистической сект'ёсты воштыны рабочей класслэн нюр'яськон понна змос организациеныз». (Сочинениос XXVI том, 174 стр.).

Маркс но Энгельс непримиримой нюр'яськон нуизы рабочей движениын вань антипролетарской, оппортунистической течениослы пумит — бакунист'ёслы, прудбнист'ёслы, ласалаянец'ёслы пумит, куд'ёсыз интернационал пушкын нуизы подрывной уж.

Нырысет'и Интернационал рабочийёсты дышет'язы сочетать карыны экономической но политической нюр'яськонэз, кивалт'язы рабочий класслэн капитализмлы пумит повседневной нюр'яськонэныз: стачкаосын, демонстрациосын, революционной выступлениосын.

Маркс дышет'язы, что рабочий класс должен буржуазиез сэрпалтыны, кылдытыны аслэсьтыз власть-

сэ но бесклассовой коммунистической общество лэсьтыны, кудаз öвöл адымиез адымиен эксплуатировать карон. Маркслэн но Энгельслэн кивалтэм улсазы Нырысет'и Интернационаллэн рад'ёсаз выковываться карискизы революционер'ёслэн марксист'ёслэн кадр'ёсы.

Интернационаллэн историезлэн самой синмаскымон страницаеныз луэ Парижской Коммуналэн вакытэз. Маркс но Энгельс парижской коммунар'ёслэн героической нюр'яськоназы самой активной участие принять карызы. Дышет'язы соос коммунаез революцилен враг'ёсызлы беспощадноен луыны, парижан'ёслы юрттон понна адымиосты ыс'язы, дуннелэн котыкуд сэрегаз öтён'ёс ыс'язы парижской рабочийёсты поддержать карон сярысь.

Коммуна куашкам бере международной буржуазия но солэн агент'ёсыз рабочей движениын Нырысет'и Интернационаллэсь член'ёссы травляез кужмоят'язы. 1872 арын кутскем промышленной кризис отразиться карискиз Интернационаллэн организациослэн кужымзы вылэ. Со обстановканын Интернационаллэн Генеральной Советэз решить кариз аслэсьтыз интызэ Нью-Йорке воштыны. 1876 арын Нырысет'и Интернационал аслэсьтыз существованиез дугдыт'язы. Озы ке но человечестволэн освободительной нюр'яськоназ солэн ролез туж бадзым.

«Нырысет'и Интернационал социализм понна пролетарской, международной нюр'яськонлы фундамент пониз». (Ленин XXIV т., 247 стр.).

Кыктэт'и Интернационал кылдытэмын вал 1889 арын. Нош Энгельс кулэм бере со очутиться карискиз оппортунист'ёслэн властызы. II Интернационалэз соос пöрмыт'язы империалистической войнаос понна пушечной сйль сётон'я буржуазиялэн агентурной бюроезлы.

I Интернационаллэсь знамязэ кутызы Ленин но Сталин. Соос развиты но обогатить каризы марксизмез. Соос кылдыт'язы III Коммунистической Интернационалэз.

Пролетариатлэн диктатураез, большевистской партилэн кивалтонэз, кудыз возглавляться кариске быдэс дунвельсь трудящойёслэн вожденызы Сталин эшен, СССР-ын социализмлэн быдэсак вормоназ вутт'язы.

Асьмелэн вормем'ёсмы капиталистической странаосысь пролетариатэз вдохновлять каро Маркслэн — Энгельслэн — Ленинлэн — Сталинлэн вормонтэм знамязы улын, коммунистической Интернационаллэн знамяез улын, Совет'ёслэн всемирной республиказы понна нюр'яськонэ.

В. СЕМЕНОВА.

Врид. редактора В. И. АЗИМОВ.
Потт'ясы райисполком.